

# *TSIKU LIJA PA GOLOGOTA*

 Zikomo inu, M'bale Neville. [M'bale Neville ati, "Akudalitseni inu, m'bale!"—Mkonzi.] Mulungu akudalitseni inu, M'bale Neville. Ndikukuthokozani inu, mochuluka kwambiri.

<sup>2</sup> Mmawa wabwino, abwenzi. Ndi cha mwayi kuti tiri pano pa kachisi kachiwiri, mmawa uno, kuti tidzawatumikire Ambuye, mwa njira ya kulalikira Mawu ndi kupempherera odwala. Ndipo ine ndiri woyamikira kwambiri chifukwa cha tsiku lino.

<sup>3</sup> Ndipo Ine ndinali wodabwitsidwa, basi pamene ine ndimabwera muno. M'bale anabwera apo ndipo anati, "Ine sindikufuna kuti ndikhale monga wakhate wosayenera yemwe anachiritsidwa." Uyo anali M'bale Wright. Ine ndinamupempherera iye, ndipo Ambuye amuchiritsa iye kwathunthu. Ndipo iye anabwera, akulira, kuti adzandigwire chanza, ndi kunena kuti—kuti iye amafuna kuti awathokoze Ambuye chifukwa—chifukwa chochiritsidwa. Iye amafuna kuti abwerere ndi kudzapereka zikomo. Izo zonse zapita. I—iye ali wabwino mwangwiro tsopano. Ife tiri oyamikira chifukwa cha maumboni amenewo.

<sup>4</sup> Ndipo Charlie, inu ndi M'bale Jeffries, ngati inu mukufuna kutero, bwerani kuno ndi kudzatenga mipando iyi kuno. Ndipo inu muli olandiridwa kwambiri, chotero inu simusowa kuti muimirire. M'bale winayo apo, M'bale Wood bwerani kuno. Ndinu...Apa pali, alipo malo angapo kuno pa benchi, chotero inu simusowa kuti muime. Ine ndikukhulupirira, malo angapo alipo kuno, ndipo, inde, inu mukhoza kukhala olandiridwa kwambiri kuti mubwere ndi kudzatenga malo amenewa.

<sup>5</sup> Ife tiri okondwa...Ine ndikukhulupira izo zinanenedwa, nthawi ina, "Ine ndinali wokondwa pamene iwo ananena kwa ine..." Mulungu akudalitseni inu, m'bale. [M'bale ati, "Nthawizonse ndimakonda kukhala pafupi ndi mlaliki."—Mkonzi.] Zikomo inu. Zikomo, zikomo inu. "Ine ndinali wokondwa pamene iwo ananena kwa ine, tiyeni ife tipite ku nyumba ya Ambuye." Ndiwo mwayi wa Mkhristu ndi chisangalalo, kuti apite ku nyumba ya Ambuye.

<sup>6</sup> Kuyang'ana pozungulira, kuwaona abwenzi anga ochuluka kwambiri muno, mmawa uno, ine ndasangalatsidwa mwapamwamba pa izi. Ine ndiri wokondwa kumuwona M'bale ndi Mlongo Dauch pano, ochokera ku Ohio. Ine ndikuona M'bale ndi Mlongo Armstrong kumbuyo uko, njira yonse kuchokera ku Ohio. Mulungu akudalitseni inu nonse, aponso. Ndipo, o, kumangoyang'ana pozungulira, iwe ukuwona ochuluka kwambiri, izo zingakhale zovuta kuti upeze maina awo onse.

Mlongo Hoover, ndife okondwa kukuwonani inu muno, mmawa uno, kuchokera uko mu Kentucky. Ndi Charlie ndi Nellie, M'bale Jeffries ndi banja lawo ndi basi ochuluka kwambiri muno, ochokera kunja kwa mzinda.

<sup>7</sup> Chotero ife tikuyembekeza nthawi yaikulu mwa Ambuye, mmawa uno, tikuyembekeza Mulungu akomane nafe mwa njira yoti adalitse miyoyo yathu ndi kuti atumikire kwa ife zinthu zomwe ife tikuzisowa.

<sup>8</sup> Ndipo monga ine ndikuwonera kuzungulira pa malo ano, ngati ine ndikanati ndiwaitanire abwenzi anga onse kuzungulira kuno, ine ndikanatenga pafupi mmawa wonse, kukamba za osiyanawo. Zimandipangitsa ine kumverera bwino kubwerera ku tchalitchi, kudzawawona anthu onse ali muno, kudzakomana nawo.

<sup>9</sup> Zidzakhala motani ife tikadzakafika Kumwamba, ndi ife nkudzakakomana Uko kwa nthawi yaikulu iyo kwa nthawi zosatha, chiyanjano Chamuyaya limodzi kusonkhana, mozungulira Mpandowachifumu wa Mulungu, ndipo ndi madalitso omwe amene ife tonse tawakonda? Ife, Pameneapo, ife tidzapangidwa monga mwa mawonekedwe Ake, ndi mu chifanizo Chake, ndipo ndi Mzimu Wake uli pa ife, kuti tizipembedza ndi kumutumikira Iye kwa Muyaya wonse, osafika potopa konse.

<sup>10</sup> Tangoganizani, palibe chirichonse chimene inu mungakhoze kuchiganizira, chimene inu mukanafuna kuti muchichite, koma chimene kamodzi pa nthawi inu mumatopa pa kuchichita icho. Charlie, ine ndikulingalira iwe ndi ine tasakapo agologolo kuposa chirichonse chimene ife timachikonda kuchita, mwa njira imeneyo, koma, inu mukudziwa, iwe umatopa kuchita izo.

<sup>11</sup> Ndipo i—ine ndimakonda k—kukwera mapiri, kupita ku mapiri ndi kumangowakwera. Koma ine ndimatopa, nthawizina, iwe umafuna kuchita chinachakenso.

<sup>12</sup> Ndipo ine ndimakonda kuyendetsa. Nthawizina ine ndimamverera ngati ndatopa, wolema, ndi mitsempha pa mapeto. Ine ndimangolumphira mu galimoto yanga ndi kunyamukapo, ndi kugwira pa chiwongolero, kumapita uko pa msewu, ndikuyimba, “Ndine wokondwa kwambiri kuti ndikhoza kunena kuti ndine mmodzi wa iwo,” kapena chinachake. Basi nditagwira gudumu limenelo ndi kumayimba ndi kumamenyetsa phazi langa, ndi kumafuula. Ndipo, chabwino, pakapita kanthawi, ine ndimatopa, ndiyeno ine ndimabwereranso kunyumba ndi kukayamba chinachakenso.

<sup>13</sup> Koma pamene ife tikayamba kumupembedza Mulungu mu ufumu watsopano uwo, uko sikudzakhala mphindi yotopa, k—kuzikakhala basi nthawizonse mdalitso, womangomapitirira pitirira. Koma, ndithudi ife tidzasinthidwa apo. Ife sitidzakhala monga ife tiriri tsopano. Ife tidzakhala osinthika, zolengedwa

zosiyana kuposa momwe ife tiriri pa nthawi ino. Chotero, ife tiri okondwa.

<sup>14</sup> Ine ndinali kungoganiza. Ine sindikudziwa ngati ine ndinayamba, ndanena mobwereza izi kapena ayi. M'bale Charlie, nthawi ina kalelo, ine ndinali uko mu Kentucky ndi iye, ndipo iye anati, "M'bale Branham, inu mukuganiza, kuti mu Zakachikwi, inu ndi ine tizikasaka agologolo?"

Ine ndinati, "Ine sindikuganiza choncho, Charlie."

<sup>15</sup> Anati, "Chabwino, ife timazikonda izo mwabwino kwambiri," anati, "inu—inu mukuganiza kuti ife tizikatero pamene ife tikadzakafika ku Zakachikwi?"

Ine ndinati, "Ayi, sikudzakhala kanthu kati kazikaphedwa mu Zakachikwi."

Ndipo iye anati, "Chabwino, ife timangozikonda izo."

<sup>16</sup> Ine ndinati, "Charlie, bwanji ngati ine ndikanakhoza kukutsimikizira iwe kuti nthawi ina iwe unali nkhumba, ndipo iwe unakwezedwa kufika pa chinthu chapamwamba, kuti ukhale munthu? Kodi iwe ukanaadzafuna konse, kuti ubwerere ndi kumakasangalala ndi zosangalatsa za nkhumba?"

Iye anati, "Ayi."

<sup>17</sup> Ine ndinati, "Taona, iwe udzakhala uli wapamwamba kwambiri kuposa nkhumba, tsopano, ndiwe munthu, iwe sudzafuna konse kuti udzakhale nkhumba kenanso." Ine ndinati, "Tsopano chulukitsa izo ka teni sauzande, ndipo icho ndi chimene iwe uti udzakhale pamene iwe udzasinthika kuchokera kuno kumka ku chimene iwe uti udzakhale. Iwe sudzafuna konse kuti ukhale waumunthu kachiwiri."

<sup>18</sup> Ndiko kulondola. Icho chidzakhala chinachake chosiyana. Ine ndiri wokondwa basi chifukwa cha maganizo a izo, podziwa kuti tsiku lina ife tidzakwera chapamwamba.

<sup>19</sup> Chabwino, tsopano, ngati Ambuye alola, Lamlungu likudzali, lomwe liti lidzakhale pafupi... Ndiye ine ndikuti ndidzachoke kuti ndidzapite ku Wyoming, ndi mzanga wabwino; kapena uko ku Idaho, ndi mzanga wabwino kwa ine, M'bale Miner Arganbright, ndi M'bale Clayt Sonmore, wa Christian Business Men.

<sup>20</sup> Sabata yamawa, sabata ikatha yamawa, iyo ikhala tsopano; ya seveni, ine ndikuyenera kukakhala mu—mu Dallas, Texas, ku Msonkhanu waukulu wa Liwu la Machiritso. Ndipo usiku wanga woyankhula ndi wa Chiseveni. Ndiyeno ine ndidzabwerera, kuti ndidzapita ku Idaho ndi M'bale Arganbright ndi a Christian Business Men. Ndipo mwina kukakhala ndi usiku umodzi ku Minneapolis, ife tisanachoke. Ndiyeno kadzutsa mmodzi wa Christian Business Men.

<sup>21</sup> Ambuye akalola, Lamlungu lotsatira mmawa ine ndikufuna ndidzakhale nditabwerera kuno ku kachisi kachiwiri, ndipo ngati izo ziri zololeka ndipo chikakhala chifuniro cha Ambuye. Ndipo ine ndikufuna ndidzayankhule pa phunziro la *Kamvuluvulu Mu Mphepo*, ngati Ambuye alola. Izo zikuwoneka kuti ziri pa mtima wanga, sabata yonseyi.

<sup>22</sup> Ndipo mmawa wina, molawirira kwenikweni, pafupi foro koloko mmawa, ine ndinadzuka ndipo ine ndinapeza lingaliro ili, “Tsiku Lija pa Gologota.” Ndipo ine ndikufuna kuti ndiyankhule pa ilo, mmawa uno: *Tsiku Lija Pa Gologota*.

<sup>23</sup> Ndipo tsopano chifukwa cha kuwerenga uku, tiyeni titembenuzire tsopano mu Mabaibulo athu, mu Lemba, ku Uthenga wa Mateyu Woyerwa, pa mutu wa 27. Ndipo ife tiyambira ndi ndime ya 27 ndi kuwerenga gawo la Lemba ili, kuti tipeze moyambira pathu, ndiye ife tiyambira pomwepo. Ndipo tikatha utumiki wolalikira, ndiye ife tikuti tikhale ndi pemphero kwa odwala.

<sup>24</sup> Ndipo, o, kuchokera nthawi yapitayo kuno, kumangobweretsamo mobwereza, ndi kufanizitsa kwa mtundu wa utumiki wanga watsopano. Ine ndinali ndi maumboni ambiri obwera kuchokera mu msonkhano umenewo kuposa omwe ndakhala nawo mu uliwonse kwa nthawi yaitali.

<sup>25</sup> Pali chinachake, cha kuti iwe uyenera kumamukhudza munthuyo, mosasamala kuti ndi zauzimu zochuluka chotani zikuwonetsedwa. Koma, onani, machiritso ayenera kugona pa chikhulupiriro cha payekha. Tsopano, ngati payekha ali nacho chikhulupiriro...

<sup>26</sup> Ndipo iwo nkumawona, ngati, Mzimu Woyerwa ukupita pa omvetsera ndi kumati, “Zinthu zakuti-zakuti zichitika. Ndipo, kuti, iwe dzina lako ndi *lakuti-n-lakuti*. Ndipo iwe umachokera ku malo *akuti*. Ndi *chinthus* chinachake chimene iwe wachichita. Ndipo icho chikhala mwanjira *iyi*.” Ndipo nkuziwona zonse izo zikuchitika basi mwanjira imeneyo!

<sup>27</sup> Komabe, munthuyo, atakhala pamene, ayenera kuyang’ana mmwamba ndi kuti, “Uyo ayenera kukhala Mulungu. Ine ndikulandira machiritso anga.”

<sup>28</sup> Koma, mmalo mwa izo, munthuyo amati, “Ikani manja pa ine ndi kundipempherera ine, kuti ine ndichiritsidwe.” Koma umo ndi momwe ife timaphunzitsidwira kuno mu Amerika, ndipo, koteri, kuti tizikhulupirira izo. Ndipo izo ndithudi ndi za Mwalemba.

<sup>29</sup> Koma tsopano ife tikupeza, mu Afrika ndi malo osiyana, mungolola chinachake chonga icho chichitike, omvetsera onse amafikira mmwamba mwa nthawi imodzi, kulandira machiritso awo, chifukwa iwo sanaphunzitsidwe kanthu. Mukuona? Iwo sanaphunzitsidwe ngakhale machiritso. Ndiyeno pamene iwo awona izo, iwo amadziwa kuti pali Mulungu yemwe alimoyo.

"Ndipo ngati Iye alimoyo, I—Iye ndi wapamwamba, ndipo I—Iye amachirtsitsa." Ndipo ndi zimenezo, chifukwa maziko ayalidwa kale, maziko, kuti Iye ndi mchiritsi, ndipo amawachirtsitsa anthu. Ndiye pamene iwo awona Kukhalapo Kwake kukugwira ntchito kupyolera mu Mpingo Wake, ndiye iwo amati, "Izo zikukhazikitsa icho. Izo ndi zonse zomwe ife tikuzisowa."

<sup>30</sup> Koma ife taphunzitsidwa, "kuyika manja pa odwala," ndi zinthu monga izo. Icho ndi chifukwa izo sizimagwira ntchito mwabwino kwambiri mu Amerika.

<sup>31</sup> Tsopano, kumbukirani, Lamlungu likudzali mmawa, Ambuye akalola, M'bale Neville adzalengeza izo, ndithudi. Ndipo ndi *Kamvuluvulu Mu Mphepo*.

<sup>32</sup> Tsopano, ine ndimakupatsani inu kanthawi pang'ono kuti mutembenuzire mu Malemba anu, ku Mateyu 27. Tiyeni tiyambe kuwerenga pa ndime ya—27, ya Uthenga wa Mateyu Woyeria. Tsopano tiyeni timvetsere mwatcheru ku kuwerenga.

*Ndipo asilikari a kazembe anamutenga Yesu kupita naye ku bwalo wamba, ndipo anasonkhanitsira kwa iye gulu lonse la asilikari.*

*Ndipo iwo anamuvula iye, ndi kuveka pa iye mwinjiro wofiira.*

*Ndipo pamene iwo anali atapota chisoti cha minga, iwo anachiyika icho pa mutu wake, ndi bango mu... dzanja lake: ndipo iwo ankagwaditsa bondo pamaso pa iye, ndipo ankamutonza iye, kumati, Tikuoneni, Mfumu ya Ayuda!*

*Ndipo iwo analavulira pa iye, ndipo anatenga bango, ndipo anamukantha iye pa mutu.*

*...atatha kuti iwo amunyoza iye, iwo anamuvula iye mwinjirowo, ndi kumuveka chovala chake chomwe pa iye, ndipo anamutsogolera iye kutali kuti akamupachike iye.*

*Ndipo pamene iwo anali kutuluka, iwo anamupeza mwamuna waku Kurene, dzina lake Simoni: iye iwo anamukakamiza kuti anyamule mtanda wake.*

*Ndipo pamene iwo anali atapita uko, atafika ku malo otchedwa Gologota, ndiko kuti, malo a chigaza,*

*Iwo anamupatsa iye vinyo wosasa kuti amwe wosakaniza ndi ndulu:... pamene iye anamulawa iye, iye sanalole kumumwa.*

*Ndipo iwo anamupachika iye, ndipo anang'amba zovala zake, ndi kuchita maere: kuti zikhoze kukwaniritsidwa zimene zinayankhulidwa ndi mneneri, Iwo anang'ambirana zovala zanga pakati pawo, ndipo pa mkanjo wanga iwo anachitira maere.*

...atakhala pansi iwo ankamuyang'ana iye pamenepo;

Ndipo anayika...pa mutu wake mulandu utalembedwa, UYU NDI YESU MFUMU YA AYUDA.

Ndiye apo panali mbala ziwiri zinapachikidwa ndi iye, mmodzi ku dzanja lamanja, ndi wina ku lamanzere.

Ndipo iwo—iwo amene anali kudutsa apo ankamulalatira iye, akugwedeza mitu yawo,

Ndi kumati, Iwe amene umaphwasula kachisi, ndi kumumanga iye mu masiku atatu, dzipulumutse wekha. Ngati iwe uli Mwana wa Mulungu, tsika pansi kuchokera pa mtanda.

Chomwechonso wansembe wamkulu akumutonza iye, ali ndi alembi ndi aakulu, anati,

Iye ankawapulumutsa ena; mwiniwake iye sangakhoze kudzipulumutsa. Ngati iye ali Mfumu ya Israeli, msiyeni iye tsopano atsike pansi kuchokera pa mtandawo, ndipo ife timukhulupirira iye.

Iye ankadalira mwa Mulungu; msiyeni iye amuwombole iye tsopano, ngati iye ati amupulumutse iye: pakuti iye amati, Ine ndine Mwana wa Mulungu.

Mbala nazonso, zimene zinapachikidwa limodzi ndi iye, zinanena zomwezo pa mano awo, mmano ake.

Tsopano kuyambira ora la sikisi apo panali mdima pa dziko lonse mpaka ku ora la naini.

Pafupi ora la naini Yesu analira ndi liwu lofuula, kuti, Eli, Eli, lama sabakatani? ndiko kuti, Mulungu Wanga, Mulungu wanga, nchifukwa chiani inu mwandisiya ine?

Ena a iwo amene anaima pamenepo, pamene anamva izo, anati, munthu Uyu akumuitana Eliya.

Ndipo molunjika mmodzi...anathamanga, ndipo anatenga chinkhupule, ndipo anachinyowetsa icho ndi vinyo wosasa, ndipo anachiyika icho pa bango, ndipo anamupatsa iye kuti amwe.

Enawo anati, Msiyeni choncho, tiyeni ife tiwone ngati Eliya ati abwere ndi kudzamupulumutsa iye.

Yesu, pamene iye analira kachiwiri ndi liwu lofuula, anapereka mzimu.

Ndipo, taonani, chotchinga cha mkachisi chinang'ambika pawiri kuyambira pamwamba mpaka pansi; ndipo dziko linagwedezeka, ndipo miyala inang'ambika;

... manda anatseguka; ndipo matupi ochuluka a oyera amene anagona anauka.

*Ndipo anatuluka kuchokera mmanda chitachitika  
chiwukitsiro chake, ndipo anapita mu mzinda woyeria,  
ndipo anawonekera kwa ambiri.*

*Tsopano pamene kenturio, ndi iwo amene anali  
ndi iye, akumuyang'anira Yesu, anawona chivomezi,  
ndi zinthu izo zimene zinachitidwa, iwo anawopa  
kwakukulu, kumati, Zoonadi uyu anali Mwana wa  
Mulungu."*

<sup>33</sup> Tiyeni tiweramitse mitu yathu mphindi yokha kwa pemphero.

<sup>34</sup> Ambuye, ife tikudziwa kuti Inu ndinu Mulungu. Ndipo izo... Titatha kuwerenga Mawu opatulika awa ndi Oyera, ife tikukhoza kuwona panobe kuti chibadwa Chanu sichinasinthe. Inu ndinu nthawizonse Mulungu. Ndipo zinkawoneka ngati kuti Yesu sakanati apeze thandizo lirilonse, kuti Iye anatengedwa ndi manja oyipa ndipo anatchikhwithidwa mzidutswa, ndipo analavuliridwapo, ndi kutonzedwa ndi kupachikidwa pa mtanda, akuwukha magazi, akufa. Ndipo zinkawoneka ngati kuti panalibe thandizo, paliponse, mpaka ngakhale Iye analira, Mwiniwake, "Mulungu wanga, Mulungu wanga, nchifukwa chiani Inu mwandisiya ine?"

<sup>35</sup> Koma, Inu mumachitapo mu mphindi yomwe palibe kanthu kena kangachitepo. Ife tapatsidwa kuti tidziwe, Ambuye, kuti ngati ife tiri nayo mitsinje iliyonse imene ife sitingakhoze kuiwoloka, ngati ife tiri nawo mapiri aliwonse amene ife sitingakhoze kudutsamo, Mulungu anajayira kuchita zinthu zomwe ena sangakhoze kuzichita.

<sup>36</sup> Inu ndinu katswiri, pa ntchitoyo, pakuti Inu mukudziwa chifukwa cha tsiku lija pa Gologota. Inu, pokhala Mulungu, Iye wopandamalireyo, munkadziwa ora ili limayenera kubwera. Koma pamene ilo linakwaniritsidwa, ndiye Inu munasonyeza kuti Inu munali Mulungu. Inu munasonyeza Yemwe anali bwana. Inu munagwedeza dziko lapansi, ndipo oyera amene anagona mu nthaka anatulukamo. Inu munadetsa dzuwa mwa usiku, monga mdima wa usiku, kusonyeza kuti Inu munali Mulungu. Koma Inu munkawoneka kuti munali chete motalika chotero.

<sup>37</sup> Tiloleni ife, kuchokera apa, tiyike kugamula uku, kuti, uli wonse ngati ife tiri kuyenda mu Mzimu, tikutsogoleredwa ndi dzanja la Mulungu, ziribe kanthu zimene zikuwoneka kuti zikulakwika, komabe ife tikuyang'anizana naye Gologota; Mulungu ayankhula mu ora loyenera, pa nthawi yoyenera.

<sup>38</sup> Tsopano, Atate Mulungu, ife tikuti tipemphe chikhululukiro cha machimo athu ndi zolakwa zathu. Ife tikuti tipemphe Mzimu Wanu kuti uzititsoglera ife. Zititsogolerani ife, monga Nkhunda inatsoglera Mwanawankhosa. Tilorenii ife tikhale omvera ku chirichonse chimene chingatigwere ife, podziwa

izi, kuti Mulungu amachita zinthu zonse mwabwino, ndipo tikudziwa kuti izo zikhala bwino.

<sup>39</sup> Khalani nafe lero mu msonkhano uno. Ife tikupemphera kuti Inu muwapulumutse iwo amene ali mu chikhalidwe choti apulumutsidwe, ndipo akufunafuna chipulumutso. Adzazeni iwo ndi Moyo Wamuyaya, iwo amene akuufunafuna iwo. Ife tikupemphera kuti Inu muwachiritse iwo amene akudwala ndi osautsika, amene abwera, kudzafuna machiritso. Ndipo ife tikutamandani Inu chifukwa cha izo. Ife tikupempha izi mu Dzina la Mwana Wanu, Mpulumutsi wathu, Yesu Khristu. Ameni.

<sup>40</sup> Tsopano, mu kuyankhula mmawa uno, ife tikukhumba kuti tiitanire tcheru chanu ku mutu umene ine ndawusankha kuti ndiyankhule kuchokerapo: *Tsiku Lija Pa Gologota*.

<sup>41</sup> Iwo ukuwoneka ngati ungakhale pang'ono kunja kwa nyengo; uwu umayenera kukhala wa pa Lachisanu Labwino. Gologota ayenera kumakumbukiridwa tsiku lirilonse. Ndipo ife tamva zochuluka kwambiri za izo, tawerenga zochuluka kwambiri za izo. Alaliki alalikira pa izo, chiyambireni kuyamba kwa nthawi. Oyimba ayimbapo za izo, kupyola mmibadwo. Aneneri ananeneratu izo, zaka foro sauzande izo zisanachitike konse. Ndipo aneneri a tsiku lino akulozera mmbuyo ku pamene izo zinachitika. Ndi tsiku lofunikira chotero! Ndi limodzi la masiku ofunkira kwambiri a masiku onse amene Mulungu anayamba wawalola kuti atulukire pa dziko lapansi.

<sup>42</sup> Ndipo ngati ilo liri lofunikira chotero kwa mtundu wa anthu, Gologota, ine ndikuganiza ndi zabwino kwa ife kuti tibwerere mmbuyo ndi kukayesa, ndi kungowona chimene izo zikutanthauza kwa ife. Chifukwa, ine ndikutsimikiza, mu ora lakumapeto ili limene ife tiri kukhalamo, ife tikufunafuna kufunkira kulikonse kwa Mulungu kumene ife tingakhoze kukudziwa. Ndi zonse zomwe ife tingakhoze kuzipeza, ife tiri pano kuti tidzaphunzire za izo, kuti tiwone chimene chiria ife, ndi zomwe Mulungu watichitira ife, ndi kuwona zimene Iye analonjeza kuti adzatichitira ife. Ndipo ndicho chimene ife timabwerera ku tchalitchi. Ndicho chifukwa mlaliki amalalikira. Ndicho chifukwa iye amawerenga ndi kusinkhasinkha mu Lemba, ndi kufunafuna kudzoza, ndi chifukwa iye ndi wantchito wa pagulu kwa anthu a Mulungu. Ndipo iye akuyesera kuti apeze chinachake chimene chiti... chimene Mulungu angati ayankhule kwa anthu Ake, chinachake chimene chingati chiwathandize iwo. Mwina, icho chingakhale, chikuwatsutsa iwo mu machimo awo, koma chingakhale thandizo kuti chiwakwezere mmwamba iwo, kuti iwo akhoze kusiya machimo awo ndiyeno nkuwukapo kuti aziwatsumikira Ambuye. Ndipo atumiki ayenera kumazifunafuna zinthu izi.

<sup>43</sup> Ngati tsiku ili, pokhala lofunikira kwambiri, limodzi la masiku aakulu kwambiri, tiyeni ife tiyang'ane pa zinthu zitatu zosiyana zomwe tsiku limenelo linathanthauza kwa ife. Ife tikanakhoza kutenga mahandiredi. Koma, mmawa uno, ine ndangosankha zinthu zitatu zosiyana, zofunikira zimene ife tikufuna kuti tiyang'anepo, kwa mphindi pang'ono zotsatira, zomwe Gologota anatanthauza kwa ife. Ndipo ine ndikupemphera kuti izi zimutsutse wochimwa aliyense yemwe alipo; kuti izo zimupangitse woyera aliyense kuti apite pa maondo ake; kuti izo zimupangitse munthu wodwala aliyense kukwezera chikhulupiro chake kwa Mulungu, ndi kuchokapo, atachiritsidwa; wochimwa aliyense, atapulumutsidwa; wobwerera mmbuyo aliyense abwerere, ndi kudzichitira manyazi yekha; ndi woyera aliyense, asangalale, ndi kutenga magwiridwe atsopano ndi chiyembekezo chatsopano.

<sup>44</sup> Chinthu chimodzi, chofunikira chachikulu chimene Gologota imatanthauza kwa ife ndi dziko, ndicho, iyo inakhazikitsa funso la tchimo, kamodzi kwa konse. Munthu anapezeka wochimwa ndi tchimo. Ndipo tchimo linali chilango chimene panalibe munthu akanakhoza kulipira. Chilangocho chinali chachikulu kwambiri mpaka panalibe aliyense yemwe akanakhoza kulipira chilangocho. Ine ndikukhulupirira moona kuti Mulungu anakonzeratu izo mwanjira imeneyo, kuti chilangocho chidzakhale chachikulu kwambiri mwakuti palibe munthu akanati adzakhoze kulipira icho, chotero Iye akanakhoza kuchita izo, Mwiniwake. Tsopano, chilango cha tchimo chinali imfa. Ndipo ife tonse tinali titabadwa mu tchimo, titawumbidwa mu kusaweruzika, kubwera ku dziko, kumayankhula zabodza. Chotero panalibe mmodzi wa ife yemwe anali woyenera, kapena, iwo sanakhoze kumupeza wina aliyense pa dziko lapansi yemwe anali woyenera.

<sup>45</sup> Ndipo tchimo silinayambire pa dziko lapansi. Tchimo linayambira Kumwamba. Lusifara anali...Lusifara, Mdierkeze, anali cholengedwa choweruzidwa, chifukwa cha kusamvera kwake, iye asanagunde konse pa dziko lapansi. Tchimo linayambira Kumwamba, kumene Mulungu anawaika Angelo, ndi zina zotero, pa maziko omwewo amene Iye anaikapo anthu; nzeru, mtengo wa nzeru, mtengo wa Moyo ndi mtengo wa nzeru, pamene munthu akanakhoza kutenga kudzisankhira kwake. Ndipo pamene Lusifara anapatsidwa uyambiriro, kuti apange kusankha kwake, iye ankafuna chinachake chabwinoko kuposa chimene Mulungu anali nacho. Ndicho chinayambitsa vuto.

<sup>46</sup> Ndipo panali chofunikira kwa tchimo. Chofunikiracho chinali imfa. Imfa inali chilango. Ndipo, ndizo kuti, ife tikanakhoza kuita mwa tsatanetsatane wamkulu wa izi, chifukwa ine sindiri kukhulupirira kuti iliponso kupatula imfa imodzi. Ulipo Moyo umodzi. Ine ndikukhulupirira

kuti munthu yemwe ali nawo Moyo Wamuyaya sangakhoze konse kufa. Ndipo ine ndikukhulupirira kulipo kuthetsedwa kwathunthu kwa moyo uwo umene umachimwa, pakuti Baibulo limati, “Moyo umene umachimwa, iwo udzafa zedi.” Osati munthu; “*moyo umene umachimwa.*” Chotero, Satana ayenera ndithudi kufa, kuti awonongedwe kwathunthu. Momwe ine sindimagwiranira ndi a universalist amene amanena kuti Satana adzapulumutsidwa! Iye anachimwa, ndipo iye ali woyambitsa wa tchimo. Ndipo moyo wake unachimwa; ndipo iye anali mzimu. Mzimu umenewo udzathetsedwa kwathunthu, kuti pasadzakhale kanthu kosiyidwa ka iwo.

<sup>47</sup> Ndipo pamene tchimo linagunda pa dziko lapansi, mmbuyo pa chiyambi, monga mkwamba wa mdima ukugwa kuchokera mmiyamba, ilo linachititsa zanzi kumene dziko lapansi. Ilo linaponyera cholengedwa chirichonse, pa dziko lapansi, ndi chilengedwe chonse cha Mulungu, mu msinga. Munthu anali pansi pa msinga za imfa, matenda, mavuto, zisoni. Chilengedwe chonse chinagwa ndi ilo. Tchimo linali mankhwala omwe anachititsa zanzi kumene dziko lapansi. Ndiyeno ife tinakhazikidwa pano, opanda chiyembekezo, chifukwa cholengedwa chirichonse chinali chomvera kwa ilo. Ndipo aliyense wobadwa pa dziko lapansi anali womvera kwa ilo.

<sup>48</sup> Chotero, izo zinayenera kuchokera ku Malo enaake kumene kunali kopanda tchimo. Izo sizikanakhoza kubwera kuchokera pa dziko lapansi. Mmodzi wa ife sangakhoze kumuwombola wina. Izo zinkayenera kubwera kuchokera kwa Winawake.

<sup>49</sup> Chotero, pamene munthu anazindikira kuti iye anali atalekanitsidwa kwa Mulungu wake, iye anakhala woyendayenda. Iwo ankalira. Iwo ankafuula. Iwo ankavutikira. Iwo anKayendayenda uku ndi uku, kudutsa mmapiri ndi kudutsa mzipululu, kufunafuna Mzinda womwe woumanga ndi woupanga wake anali Mulungu. Pakuti, iye ankadziwa kuti ngati iye akanangodzabwereranso mu Kukhalapo kwa Mulungu, iye akanakhoza kudzayankhulana izo nizitha ndi Iye. Koma panalibe njira yobwerererera. Iye anakhala wotayika. Iye sanali kudziwa njira yoti abwerererere, chotero iye anangowuyamba, woyendayenda, kuyesera kuti akapeze penapake pamene iye akanakhoza kupeza njira yobwerererera ku Malo amenewo. Chinachake mkatı mwa iye chinkamuuu iye kuti iye anabwera kuchokera ku—ku Malo amene anali angwiro. Palibe munthu muno mwa omvetsera owoneka awa, mmawa uno, kapena mwa omvetsera a pa tepi yamaginito, kumene iyo iti idzapite kuzungulira dziko, palibe mmodzi wina muno, kapena kulikonse, koma yemwe akufunafuna ungiro umenewo.

<sup>50</sup> Inu mukalipira ngongole zanu, inu mumaganiza, “Kuti izo zikhazikitsa icho.” Pamene inu mwalipira ngongole zanu, ndiye pamakhala wina akudwala m’banja mwanu. Pamene matendawo akupeza bwino bwino, ndiye inu mumakhala ndi

ngongole zina zoti mulipire. Chinthu choyamba inu mumadziwa, tsitsi lanu likusanduka la imvi, ndiyeno inu mumafuna mubwerere ku ubwana. Ndipo pamakhala chinachake nthawi zonse, mowirikiza, ndi chifukwa cha funde ilo la tchimo. Koma mu mtima wanu, chifukwa chakuti inu mukuchifunafuna icho, izo zikusonyeza kuti ulipo Ungwiro penapake. Penapake, pali chinachake.

<sup>51</sup> Ndicho chifukwa, nthawi zambiri, lero, kuti wochimwa akuyenda yendabe. Msungwana wamng'ono, wokongola amadula mangongo a tsitsi lake, kuti akhale wotchuka; kulocha nkhope yake, kuti zimupangitse iye kuwoneka wokongola; kuvala zovala zoti azisonyeza maumbidwe a chomwe ali. Chifukwa, ndi chinthu chokha chimene iye angakhoze kuchipeza, kupeza penapake kuyesera kuti apeze chinachake kuti chibwerere kwa iye, pamene iye angakhoze kuwapangitsa amuna kuti azimuyimbira likhweru kwa iye, kugwedezera kwa iye, kugwirana ndi iye. Mnyamata amachita chinthu chomwecho kwa mkazi, kuyesera kuti adzipange iyeyekha wokopa kwa uyo. Oyandikana nao amamanga nyumba ndi kuikonza iyo mwa njira ina, chifukwa iyo iziwoneka mwabwino pang'ono kuposa malo a woyandikana nayeyo. Ndi nthawi zonse, ife tikufunafuna chinachake, ndipo chinachake chikungomapitabe basi pamwamba pang'ono pa izo. Dona wamng'ono amapeza dona wamng'ono wina yemwe ali wotchuka kwambiri kuposa iye. Woyandikana naye amapeza nyumba imene ikuwoneka bwinoko kuposa yake. Mkazi amampeza mkazi wina atavala mwanjira inayake, imene ikuwoneka bwinoko kuposa momwe iye amachitira.

<sup>52</sup> Ndi chinachake mwa ife, chimene chikufunafuna kunjako chinachake, ndipo izo zikusonyeza kuti ndife otayika. Ife tikufuna kuti tipeze chinachake icho chimene chiti chitifikitse ife ku kukhutitsidwa kumeneko, chimene chiti chiddazdazitse malo anjala awo mmenemo, koma zikuwoneka ngati ife sitingakhoze kuzipeza izo. Anthu okhalapo ayesera izo kupyola mmibadwo. Iwo anazilirira izo. Iwo anafulira. Iwo anachita chirichonse chimene iwo amachidziwa momwe angachitire, komabe iwo sanachipeze icho, akuyendayenda uku ndi uko kudutsa mdziko.

<sup>53</sup> Potsiriza, tsiku lina, ilo ndi tsiku lija pa Gologota, panali Mmodzi yemwe anabwera pansi kuchokera ku Ulemerero. Mmodzi, Dzina lake Yesu Khristu, Mwana wa Mulungu, Yemwe anabwera kuchokera ku Ulemerero, ndipo Gologota inapangidwa. Ilo linali tsiku limene mtengo unalipidwa, ndipo funso la tchimo linakhazikitsidwa kwa nthawizonse. Ndipo anatsegula njira ya ku chinthu ichi chimene ife tiri kuchichitira njala ndi ludzu. Ichu chinabweretsa malo a kukhutitsidwa. Palibe munthu yemwe anayamba wakacheza pa Gologota, nakawona apo momwe izo zinaliri, yemwe angakhoze

kukhala chimodzimodzibe. Chirichonse chimene iye anayamba wachikhumba kapena kuchiyembekezera, chimapezekwa, pamene iye afika pa malo amenewo.

<sup>54</sup> Ilo linali tsiku lofunikira kwambiri, ndipo chinthu chofunikira chotero, ilo linagwedeza dziko. Ilo linagwedeza dziko, momwe ilo silinayambe lagwedezekezerapo kale. Pamene Yesu anafa pa Gologota ndipo atalipira funso la tchimo, dziko lochimwitsitsa ili linachita mdima. Dzuwa linalowa pakati pa tsiku, linali ndi kuluwerera kwa manjenje. Ndipo miyala inagwedezeka, mapiri anang'ambika, ndipo matupi akufa anatulukira kuchokera mmanda.

<sup>55</sup> Kodi ilo linachita chiani? Mulungu anazifikitsa pachimake, pa Gologota. Iye anachivulaza chinyama chija, chotchedwa Satana, kwa nthawizonse. Tsopano iye wakhala ali waukali kwambiri kuyambira apo, chifukwa izo zinabweretsa Kuwala kwa mtundu wa anthu. Ndipo aliyense amadziwa kuti chinyama chovulazidwa ndicho choononga kwambiri, chikukwawa chozungulira ndi nsana wake utathyoka. Tsopano, Satana anagwetsedwa, pa Gologota. Dziko lapansi linatsimikizira kuti zinali choncho.

<sup>56</sup> Mtengo waukulu kwambiri umene unayamba waperekedwapo, ndipo Mmodzi yekha yemwe akanakhoza kuulipira iwo, anabwera ndipo anadzachita izo pa Gologota. Ndi pamene mtengo waukulu unaperekedwa. Ndicho chimodzi cha zinthu. Mulungu anali akuchifuna icho. Panalibe munthu yemwe anali woyenera. Panalibe munthu anali wokhoza. Panalibe munthu akanakhoza kuchichita icho. Ndipo Mulungu anabwera, Mwiniwake, ndipo anadzapangidwa umunthu, anadzakhala moyo wa umunthu, pansi pa zikhumbo zaumunthu, ndipo anapachikidwa pa Gologota. Ndipo pamenepe, pamene Satana ankaganiza kuti Iye sakanakhoza kuzichita izo, Iye sakanakhoza kupita napyola mu izo, Iye anapita nadutsa mu Getsemane ndipo yesero lirilonse limene munthu aliyense anayamba wayima nalo. Iye anapita napyola mu ilo basi monga munthu aliyense, koma Iye analipira mtengo wake.

<sup>57</sup> Ndipo ndicho chimene chinadetsa dziko lapansi. Chinali monga mankhwala okomoletsa kwa opareshoni. Pamene adokotala amupatsa munthu mankhwala omukomoletsa, iye amayamba wamukomola, iye asanati achite izo. Ndipo pamene Mulungu anapereka o—opareshoni kwa Mpingo, dziko linkalandira mankhwala okomoletsa, chilengedwe chinali ndi kuphupha. Palibe zodabwitsa! Mulungu, mu mnofu waumunthu, anali akufa. Ilo linali ora limene dziko linali litaliyembekezera, komabe ambiri a iwo sanali kudziwa izo.

<sup>58</sup> Monga izo ziriri lero, ambiri akuzifunafuna zinthu izi, ndipo komabe iwo sali kuzizindikira izo. Iwo sakuijindikira

njira yotulukiramo. Iwo akadalibe kufunafuna zosangalatsa ndi zinthu za mdziko, kuyesera kuti apeze njira yawo yotulukiramo.

<sup>59</sup> Pakhala pali, zikwangwani zambiri zimene zinkalozera ku tsiku limenelo, mithunzi yotsogolera yaikulu yambiri. Imene inali itachita mthunzi motsogolera ndi mwanawankhosa, ndi mwana wa ng'ombe, ndi nkhunda, ndi zinthu zonse izi, komabe izo sizikanakhoza kumasula izo. Izoo sizikanakhoza kumasula kugwira kwa imfa uko, pakuti Satana anali nalo dziko lapansi.

<sup>60</sup> Miyala yomwe imene iye anayamba wayendapo, chokwera ndi chotsika pa dziko lapansi, ikuyaka moto wa surfule! Lusifara anali mwana wa mmawa, ndipo iye ankyayenda pa dziko lapansi pamene ilo linali chiphala chamoto choyaka. Miyala yomweyo yomwe inali itazizira, pamene Yesu anafa pa Kalvare, inageya utsi kuchokera pa dziko lapansi.

<sup>61</sup> Mtengo umene unalipiridwa, ndipo msinga za Satana zinamasuka. Mulungu anaiyikanso mu manja a munthu, njira yobwererera ku chimene iye anali akuchiyembekezera. Iye samayenera kuti aziliranso. Anamenya, pamene Iye anathyola nsana wa Satana, apo pa Gologota, fupa la nsana wa tchimo, wa matenda! Ndipo izo zikubweretsa chinthu chachivundi chirichonse, pa dziko lapansi, kubwerera mu Kukhalapo kwa Mulungu, ndi machimo atakhululukidwa. Aleluya! Machimo athu akhululukidwa. Palibenso zakuti Satana azitichititsa chidima ife kwa Mulungu.

<sup>62</sup> Pali msewu waukulu wapangidwa. Ilipo telefoni yaikidwa apo. Chiripo chingwe cha ku Ulemerero, zikumubweretsa munthu aliyense pa kufikira mzere umenewo. Ngati munthu ali wodzaza ndi tchimo, izo zinamulumikiza iye pa likulu. Iye akhoza kukhululukidwa tchimo limenelo. Osati izo kokha, koma tchimo limenelo lalipiridwa. O! Inu simukusowa kumati, "Sindine woyenera." Zedi, inu simuli, inu simukanakhoza kukhala muli konse. Koma Mmodzi woyenerayo anatenga malo anu. Ndinu mfulu. Inu simukusowa kuti muziyendayenda panonso. Inu simukusowa kuti mukhale munthu wofunafuna zosangalatsa kunja kuno pa dziko lapansi.

Pakuti pali kasupe wodzazidwa ndi Magazi,  
Otengedwa kuchokera mu mitsempha ya  
Emanuele,  
Momwe ochimwa amadziponyera pansi pa  
kusefukirako,  
Amataya mabanga a zolakwa zawo zonse.

<sup>63</sup> Inu simukusowa kuti mukhale otayika. Ulipo msewuwaauku, ndi Njira, ndipo iyo imatchedwa Njira ya chiyero. Wosayera samadutsa pa iyo. Pakuti, iye amabwera ku kasupe, poyamba, ndiyeno iye amadzalowa mu msewuwaauku.

<sup>64</sup> Iye anaswa mphamvu za Satana. Iye anatsegula zitseko za ndende ya gehena, kwa munthu aliyense yemwe anatsekeredwa,

mu dziko lapansi lino, mu ndende, kuwopa kuti pamene iye afya, chimene imfa ikanati ikhale kwa iye. Pa Gologota, Iye anatsegula zitseko za ndende izo, analola wamsinga aliyense kuti apite waufulu. Inu simukusowa kuti panonso muzing'ambidwa ng'ambidwa ndi tchimo. Inu simukusowa panonso kuti muzipereka ziwalo zanu kwa tchimo, kumwa, kusuta, njuga, kunena zabodza. Inu mukhoza kukhala ownamtima, olungama, ndi owongoka. Ndipo Satana sangakhoze kuchita kanthu nazo, chifukwa inu mwachigwira chingwecho, chingwe cha Moyo ndi chozikika mu Thanthwe la Mibadwo. Palibe kanthu kangakhoze kukugwedezanu inu kwa Ilo. Palibe mphepo zingakhoze kukugwedezanu inu kwa Ilo. Palibe kanthu, osati ngakhale imfa iyoyomwe, kuti ingakhoze kukulekanitsani inu kwa chikondi cha Mulungu chimene chiri mwa Khristu Yesu. Ndicho chimene Gologota inatanthauza.

<sup>65</sup> Amuna omwe anali mu msinga anamasulidwa. Amuna omwe nthawi ina anali pansi pa mantha a imfa sangakhoze panonso kuiwopa imfa. Munthu yemwe amafunafuna Mzinda, umene woumanga wake ndi woupanga, ndi Mulungu, iye akhoza kumayenda pa msewuwaukulu, ndi kuyang'anitsa nkhopre yake choloza Kumwamba, chifukwa iye ali mfulu. Aleluya! Iye ndi woomboledwa. Iye sakusowa kuti aziyendayenda panonso, pakuti ilipo njira yodziwira ngati iwe ukulondola kapena ayi. Mulungu amatipatsa ife Moyo. Machimo athu apita. Tsiku lija pa Gologota linalipira mtengo wake. Pamene ife tiwona zonse izo, palibe chodabwitsa wa ndakatulo analemba:

Pakati pa miyala yosweka ndi milengalenga  
yochita mdima  
Mpulumutsi wanga anaweramitsa mutu Wake  
ndipo anafa.  
Kutsegula chotchinga kunafulula Njira  
Ya ku zisangalalo zakumwamba ndi tsiku  
losatha.

<sup>66</sup> Abrahamu sankasowa kuti aziyendayenda aponso, kudutsa mdziko, kufunafuna mzinda. Wochimwa sakusowa kuti azidabwa panonso, ngati iye angakhoze kupulumutsidwa kapena ayi. Munthu wodwala sakusowa kuti azidabwa panonso ngati iye angachiritsidwe kapena ayi. Kutsegula chotchinga, pa tsiku lija pa Gologota, kunafulula Njira ya ku chigonjetso chathunthu. Mulungu anatipatsa ife mphamu za Mzimu Wake, kuti tizikhala mwachiglonjetso pa zinthu zonse izi; akutifunsa ife kuti tizingokhulupirira izo. Zimene zinachitika pa tsiku lija la Gologota. Silinayambe lakhalapo tsiku longa ilo. Sipadzakhala konse lina longa ilo. Izo si zofunikira panonso. Mtengo walipiridwa, ndipo ife taomboledwa. Mathokozo akhale kwa Mulungu! Ife taomboledwa. Inu simukusowa kuti muzidabwa za izo. Palibenzo zongoganizira za izo. Izo zonse zinachotsedwa. Chotchinga chakokedwera mmbuyu katani, ndipo ife taikidwa

pa mseuwaukulu, osati kuti tizidabwa panonso, koma kuti tizikhulipirira ndi kumangomayenda chamtsogolo. Ife tiziyenda mpaka mu Kukhalapo kwakukulu kwa Mulungu.

<sup>67</sup> Abrahamu ankadziwa, ndipo enanso ankadziwa, kuti pamene iwo anali kuufunafuna Mzinda. Iwo ankadziwa kuti iwo anali ochokera Kwinakwake. Chinachake chinali chitachitika. Iwo anali akukhala mu dziko lochititsidwa zanzi. Zivomezi zinabwera. Mikuntho inabwera. Nkhondo ndi kuphana! Nkhandwe ndi mwanawankhosa zikudyana wina ndi mzake, kapena nkhandwe kudya mwanawankhosa, ndi mkango kudya ng'ombe. Izo sizikuwoneka bwino. Pali chinachake cholakwika. Iwo ankadziwa kuti panali chinachake cholakwika. Anthu ndipo m'bale kupha m'bale; bambo kupha mwana, mwana kupha bambo. Pali chinachake cholakwika. Iye akumakalamba. Iye akumafa. Iye akunyalapo. Matenda ali pa iye. Iye ali mu msinga. Mitengo ikukula, koma osati yachisavundi. Iyo imafa. Mapiri akumasintha. Nyanja zikuuma. Madzi akulephera. Pali chinachake chalakwika. Ndipo iye ankafunafuna malo, Mzinda kumene izo sizinali kuchitika ukonso. Iye ankadziwa kuti, ngati iye akanangokhoza konse kubwerera mu kukhalapo kwa Mmodzi yemwe anazipangitsa izo molondola, iye akanakhoza kuyankhulana izo nazithetsa ndi Iye.

<sup>68</sup> O, mwayi wake, wochimwa, izo nzoti, mmawa uno, kuti mudziwe kuti inu muli nayo Njira tsopano. Tsiku lija pa Gologota linatsegula njira. Pakuti zonse zomwe mbadwa zija zinkasaka ndi kuzifunafuna, Gologota inapereka izo kwa inu, mwaulere. Inu mungazikane bwanji izo? Inu mungazikane bwanji izo kuti mujowine chipembedzo? Inu mungazikane bwanji izo, kuti muloweze chinachake mmalo mwa icho, zosangalatsa za mdzik? Bwanji osavomereza izo? Kutsegula chotchinga kukumubweretsa munthu kubwerera mu Kukhalapo kumene kwa Mulungu, popanda tchimo pa iye, la mtundu uliwonse. Ndi kuyika njira pamaso pake, kwa chinthu chimene iye akuchifunafuna: Kumwamba, ulemerero, mtendere, Moyo Wamuyaya, chirichonse chiriri pamaso pake pomwe.

<sup>69</sup> Tsiku limenelo linali—kumenyedwa mwakupha kwa mphamvu ya Satana. Ilo linatsirizitsa chirichonse.

<sup>70</sup> Ndipo ine ndikukhoza kumuwona Iye apo; Iye anali Mwanawankhosa wa mu Edeni, kuchokera ku mthunzi woyamba womwe umene unabwera wa izo.

<sup>71</sup> Pamene Abele, mwa chikhulupiriro, anapereka kwa Mulungu nsembe yabwino kwambiri kuposa ya Kaini. Iye ayenera kuti anamangirira m—mpesa mozengeza khosi la mwanawankhosa, nkumukhwewkhwerezera iye ku thanthwe. Anatenga m—mwala mu dzanja lake, ngati lupanga, ndipo anakokera mutu wake waung'ono mmbuyo, ndi kuwukhapa ndi kumutchikhwitha iye mpaka iye anafa. Ndipo ubweya wake

unasambitsidwa ndi magazi ake omwe. Iye anasamba mu magazi ake. Iwo unali mthunzi.

<sup>72</sup> Koma pa tsiku lija la Gologota, apo panalibe mwanawankhosa wa dziko lapansi lino, koma uyo anali Mwanawankhosa wa Mulungu, yemwe anali kufa, akuvwivwinyizika mu magazi Ake Omwe. Iye anatchikhwithidwa, anakhapidwa, anamenyedwa, analavuliridwa mate, kumenyetsedwa, kuwombedwa khofi, ndi chirichonse, ndi dziko, ndipo Magazi akuwukha kuchokera mmangongo Ake.

<sup>73</sup> Pamene mwanawankhosa wa Abele ankafa, iye anafa, akuyankhula mu chinenero chimene Abele sankakhoza kuchimva. Iye anali kulira.

<sup>74</sup> Ndipo pamene Mwanawankhosa wa Mulungu anafa tsiku lija pa Gologota, Iye anayankhula mu chinenero chimene palibe wina ankamumvetsa Iye, "Mulungu Wanga, Mulungu wanga, nchifukwa chiani Inu mwandisiya Ine?" Iye anali Mwanawankhosa wa Mulungu, anadulidwa mzidutswa, anakhapidwa.

<sup>75</sup> Iye anali Mwanawankhosa kumene yemwe Abele anali naye mmalingaliro ake, pamene iye anawona Mbewu yolonjezedwa ya mkazi. Iye anali Mwanawankhosa yemwe Daniele anamuwona, yemwe anadulidwa kuchokera mphiri, popanda manja. Iye anali Gudumu mkatи mwa gudumu, kwa mneneri. Zonse zimene iwo anali ataziwoneratu zinapezana pa tsiku limenelo, tsiku lija la Gologota. Ilo linabweretsa chinthu chachikulicho mmenemo. Ilo linathyolya nsana wa Satana.

<sup>76</sup> Choyamba, ife tiyenera kufunafuna chimene tsiku limenelo linatanthauza. Chachiwiri, ife tiyenera kuwona chimene tsiku limenelo latichitira ife, tsopano, chimene ilo linatichitira ife. Tsopano, chachitatu, tiyeni tiyang'ane pa chimene ife tiyenera kuti tizichita kwa tsiku limenelo. Kodi ife tiyenera kuti tizichita chiyani?

<sup>77</sup> Choyamba, ife tiyenera kumayang'ana kwa ilo, pakuti ilo ndi tsiku lalikulu, lalikulu kwambiri la masiku onse. Mtengo wa tchimo unakwanirtsidwa. Mphamvu ya Satana inathyoledwa.

<sup>78</sup> Ndipo tsopano ife tikufuna kuti tiwone chimene ife tiyenera kumachita pobwezera. Tsopano, pobwezera, pamene Yesu anafa pa Gologota, pa Gologota tsiku lija, Iye sikuti anangopereka mtengo wa machimo athu, koma Iye aponso analipira mtengo ndipo anakanza njira kuti ife tizikhoza kumamutsatira Iye; pakuti ife, monga ma Adamu okugwa amene awomboledwa. Monga Mzimu unkamutsogolera Adamu (Adamu woyamba) mwa Mzimu, womwe unali nawo ulamuliro pa chirengedwe chonse, ndiye ife (Adamu wachiwiri), kapena anthu a padzikola jipansi amene aomboledwa ndi Khristu, kuyambira pa tsiku la Gologota, tikhoza kumutsatira Iye. Tsopano, pamene Iye anafa

pa Gologota, Iye anapanga njira. Iye anaupereka Mzimu, Mzimu Woyer, umene unawutumiza Iwo nubwerera ku dziko lapansi, kwa inu ndi ine kuti tizikhala nawo moyo. Ndicho chimene Gologota imatanthauza kwa ife, kuti tizimutsatira Iye.

<sup>79</sup> Choyamba, kuyang'ana kwa iyo, kuona chimene iyo inatichitira ife. Ndipo tsopano kodi ife tiyenera kumachita chiyani poyang'ana kwa izo? Kodi inu ndi ine tiyenera tizichita chiyani?

<sup>80</sup> Tsopano, ife timati, "Chabwino, i—ine ndikuziyamikira izo. Izo nzabwino kwambiri." Koma ife tiyenera kuti tizivomereza izo. Ndipo kuti tizivomereze izo, ndiko kuuvomereza Umunthu Wake, Khristu mu mtima wathu.

<sup>81</sup> Ndiye, ndife afulu kwa tchimo, chotero palibenso unyolo wa tchimo ukulendewera pa ife, konse. Mulungu, basi ngati kuti ife sitinayambe tachimwapo, Nsembe yangwiyo inatipanga ife angwiyo. Pakuti, Yesu anati, "Khalani inu chotero angwiyo, ngakhale monga Atate wanu Kumwamba ali angwiyo." Ndiye, palibenso zina zoti zingachitidwe, koma ife tapangidwa angwiyo mu Kukhalapo kwa Mulungu.

<sup>82</sup> Tsopano, apo ndi pamene ife timatayira malo athu. Ngati ife sitiyang'ana, ife timayesera kumayang'ana mmbuyo ku chimene ife tinali. Ndipo pamene ife tikuyang'ana mmbuyo ku chimene ife tinali, Nsembe siikutanthauza kanthu kwa ife. O, kodi inu simukukhoza kuziwona izi, mpingo? [Osonkhana ati, "Ameni."—Mkonzi] Ine sindikanati...ine sindikanati ndiyesere ntchitoyo. Ine sindingathe, ndipo ngakhalenso inu simungakhoze. Palibe chifukwa choyesera. Ndinu wotayika, poyamba pomwe, utali wonse ngati inu muyang'ana ku zimene inu mwachita. Koma musati muziyang'ana ku zimene inu mwachita.

<sup>83</sup> Ziyang'anani chimene tsiku lija pa Gologota linachita kwa inu. Ilo linalipira mtengo wanu. Ilo linakhazikitsa funso. "Machimo anu ali monga kapezi; iwo ndi oyera ngati chisanu. Ofiira ngati magazi; oyera ngati ubweya." Ndiye inu mulibe tchimo ayi. Inu ndinu mwangwiyo opanda tchimo. Ziribe kanthu zomwe nu munachita, kapena zimene inu muchita, inu mukadali wopanda tchimo. Utali wonse ngati inu mwamulandira Yesu Khristu ngati Mpulumutsi wanu, machimo anu akhululukidwa. Chirichonse chimene *chakhululukidwa* "chachotsedwapo ndi kuyiwalidwa za icho."

<sup>84</sup> Ndiye kodi izo zimachita chiani? Izo zimakupatsani inu, pambuyo pa chikhaliidwe chimenecho, Mzimu Wake, kuti muzimutsatira Iye ndi kumachita monga Iye ankachitira, kwa ena amene akutsatira apo. Iye anali Munthu mmodzi yekha, Munthu wangwiyo. Iye anapanga chitsanzo kwa inu. Tsopano kodi ife tiyenera kumachita chiani?

<sup>85</sup> Tsopano, chinthu choyamba chimene ine ndikufuna kuti ndinene, ndicho, Yesu sankadzikhalira moyo kwa Mwiniwake. Moyo Wake unaonongedwera kwa ena. Izo ndi, mwangwiwo, Moyo Wamuyaya. Pamene inu mukunena kuti inu mumapita ku tchalitchi, ndipo inu mumachita zinthu zabwino, izo ndi zabwino. Koma pamene inu mukukhala moyo wanu kwa inueni, inu mulibe Moyo Wamuyaya. Moyo Wamuyaya, ndi kukhalira moyo ena. Izo zinatsimikizira icho pamene Izo zinafika kwa Mwanawankhosa wa Mulungu. Iye anakhala moyo, ndipo anali nawo Moyo Wamuyaya, chifukwa Iye sanali kudzikhalira moyo Yekha. Iye ankakhalira moyo kwa ena. Ndipo inu mumalandira Moyo Wamuyaya, pa kulilandira tsiku limenelo, ndipo inu simumadzikhalira moyo nokha apango. Inu mumakhalira moyo ena.

<sup>86</sup> Winawake anati, “Inu mungakhoze bwanji kuima, nkumalola aliyense kumakutchani inu maina oyipa chotero?” Inu simumadzikhalira moyo nokha. Inu mumakhalira moyo ena, kuti mukhoze kumuwombola munthu ameneyo. Inu mumakhalala anake. Ndipo vuto la izo ndilo kuti mpingo wayiwala kuti iwo anali anake. Inu ndinu anake. Inu mukutenga malo a Khristu. Inu ndinu anake, chotero musati muzidzikhalira moyo nokha. Zikhalarani moyo ena.

<sup>87</sup> “Chabwino, M’bale Branham, ine ndikhoza kumukhalira moyo m’bale *uyu*, chifukwa iye ndithu ndi munthu wabwino.” Sindizo izo.

<sup>88</sup> Zikhalarira moyo munthu uyo yemwe amakuda iwe. Zikhalarira moyo munthu uyo yemwe akhoza kukupha iwe ngati akanatha. Ndi zomwe iwo anachita kwa Iye. Iwo anamupha Iye, ndipo Iye anafa, kuti Iye akhoze kuwapulumutsa iwo. Ndiwo Moyo Wamuyaya. Pamene, inu, muzitengera izo mu chifuwa chanu, inu mukuyang’ana Kumwamba tsopano. Koma inu mumapereka nsembe zinthu zanu zomwe, kuzisiya izo, monga nkhosa imaperekera ubweya wake. Inu mumayang’ana mtsogolo, cha ku Gologota.

<sup>89</sup> Ine ndikuyembekeza izi zikuthandizani inu kuti mufike mu malo. Ndi chimene kachisi, ndi chimene anthu onse, ayenera kuti azichita, ndi kupeza chimene inu muli, ndi chomwe chiri cholinga. Mpingo, si kupita ku mpingo kukangoseweretsa zoyimbira, kuimba nyimbo. Mpingo ndi malo okonzedwerako. “Chiweruzo chimayambira ku nyumba ya Mulungu.”

<sup>90</sup> “Ife tiyenera kumadziwerengera tokha akufa, ndi amoyo kwa Khristu.” Ndiye, Iye anapanga njira kuti ife tizikhoza kumadzipereka tokha nsembe ku utumiki Wake, kuti tizimutsatira Iye. Ngati ife tikumutsatira Iye, ife tikukhala moyo umene Iye ankakhala. Izo nzodabwitsa.

<sup>91</sup> Yesu ananena, ndipo anayankhula za izo. Ndiroleni ine ndingokupatsani inu zobwerezza pang’ono pa izo. Mvetserani

mwatcheru. Musati muziphonye izi. Yesu anati, pa Tsiku limenelo Iye akanati adzawalekanitse anthu, monga nkhosa ndi mbuzi. Ndipo Iye akanadzanena kwa mbuzi, "Imani ku mbali ya kumanzere." Ndi kwa nkhosa, "Imani ku mbali yakumanja."

<sup>92</sup> Ndipo Iye ananena kwa mbuzi, "Chokani kwa Ine. Chifukwa, ine ndinali wanjala, ndipo inu simunandidiyetse Ine. Ine ndinali mu ndende, ndipo inu simunadzandichezere Ine. Ine ndinali wamaliseche, ndipo inu simunandiveke Ine. Ine ndinali waludzu, ndipo inu simunandipatse Ine okumwa. Ine ndinali kudwala, ndipo inu simunadzandichezere Ine. Chotero, chokani kwa Ine."

<sup>93</sup> Ndipo kwa nkhosa, Iye anati, "Ine ndinali wanjala, ndipo inu munandidiyetsa Ine. Ine ndinali maliseche, ndipo inu munandipatsa Ine chovala. Ine ndinali wodwala, ndipo inu munatumikira kwa Ine."

<sup>94</sup> Ndipo zindikirani. Musati mulephere kuzimva izi, mpingo. Zisungeni izi mu mtima wanu, kwanthawizonse. Izo zinkachitidwa chotero mosaganizira! Anthu samazichita izo ngati mzere wa ntchito. Munthu yemwe angakupatse iwe chinachake kapena china, chifukwa iye ayenera kuti achite izo, munthu yemwe amakudyetsa iwe chifukwa iye ayenera kuti azitero, iye ali ndi lingaliro la kudzikonda. Izo ziyenera kumakhala moyo wanu womwe, mchitidwe wanu womwe.

<sup>95</sup> Izo zinali zodabwitsa kwambiri kwa nkhosa izi, mwakuti iwo anati, "Ambuye, ndi liti pamene Inu munali anjala? Ndipo ife sitinakudyetseni Inu... Ndi liti pamene Inu munali anjala, ndipo ife tinakudyetsani Inu? Ndi liti pamene Inu munali wamaliseche, ndipo ife tinakupatsani Inu zovala? Ndi liti pamene Inu munali waludzu, ndipo ife tinakupatsani Inu okumwa? Ndi liti pamene Inu munali kudwala, ndipo ife tinatumikira kwa Inu?"

<sup>96</sup> Izo zinali chotero mosadzipangitsa kuchokera mu chikondi, Moyo Wanu wokha umene unkakhala mwa iwo. Mulungu, alolemi anthu awone chimene Gologota inatichitira ife, mosadzipangitsa choncho.

"Ndi liti pamene Inu, Ambuye? Ife sitinazidziwe konse izo."

<sup>97</sup> Yang'anani chimene Yesu anatembenukirako ndi kuti, "Mochuluka momwe inu munachita kwa awa, inu munkachitira izo kwa Ine."

<sup>98</sup> Moyo wopanda kudzikonda; osati ganizo lachiwiri. Osati kuti uziganizira za izo; koma iwe uli wakufa kwambiri kwa zinthu za mdziko muno, ndipo wamoyo kwambiri mwa Khristu, ndi woyenda kwambiri pa msewuwaikulu, mwakuti zinthu izi zangokhala chinthu chosadzipangitsa. Iwe umangozichita izo. Osati kumati, "Chabwino, tsopano, Ambuye akufuna, Ambuye, akufuna, kuti ine ndizichita izo" Si zimenezo ayi. Iwe wangokhala gawo la Iye. Mzimu Wake uli mwa iwe, ndipo iwe ukumachita momwe Iye ankachitira. Aha! Zimvetseni izi.

<sup>99</sup> “Ilipo njira yomwe imawoneka yolondola kwa munthu, koma mapeto ake ndi njira ya imfa.”

<sup>100</sup> “Si onse amene amanena, ‘Ambuye, Ambuye,’ atti adzalowe umo, koma iwo amene amachita chifuniro cha Atate Anga,” kuchokera mu mitima yawo basi, momasuka basi.

<sup>101</sup> Tsopano, tsiku lija pa Gologota linalipira mtengo umenewo, kuti ife tikhoe kukhala mwanjira imeneyo.

<sup>102</sup> Osati kuti, “Inu mukudziwa, Jones wamasiye nthawi ina anali... Iye malasha ake anamuthera, ndipo ine ndinapita ndi kukamugulira iye malasha ena. Ine ndikukuuzani inu, ine ndinamuwona m’bale yemwe ankasowa suti ya zovala, ndipo ine ndinapita ndi kukamugulira iye suti. Mulungu adalitsike! Ndine Mkhristu.” O, mai! Iwe wodzikonda, wosauka, munthu womvetsa chisoni. Iwe ndi wachinyengo.

<sup>103</sup> “Usati uzilola dzanja lamanja kumadziwa chimene lamanzere likuchita, ngakhale kuti lamanzere kumadziwa chimene lamanja likuchita.” Basi mosadzipangitsa wakufa mwa Khristu, mpaka iwe nkumachita izo mulimonse. Ndi chikhaldwe chako. Ndi zokupanga iwe. Iwe umazichita izo, mulimonse. Iwo ndi Moyo basi umene ukukhala mwa iwe. Ndiwe wodzipereka kwathunthu kwa Mzimu umenewo, ndipo Iwo umangodzikhala Wokha mwa iwe. O, inu mumamverera Mzimu wodala umenewo, Moyo umenewo! “Si ine amene ndiri moyo,” anatero Paulo, “koma Khristu ali moyo mwa ine,” basi mosadzipangitsa chomwecho.

<sup>104</sup> “Chabwino, ine ndikukuuzani inu, M’bale Branham, ife ndife Akhristu pano. Ife timawathandiza anthu *awa*. Ife timawathandiza anthu *awo*.” O, mai! Manyazi pa inu. Icho si Chikhristu.

<sup>105</sup> Chikhristu ndicho kumangozichita izo mosadzipangitsa. Izo nzoti zizichitidwa. Ndipo iwe umangoiwala, za izo zonse, “Ine sindiri.” Kupita, nkukachita izo.

<sup>106</sup> Khristu anangopereka kwathunthu moyo Wake kwa Mulungu. Iye anadzipereka Yekha, ngati wantchito wapagulu aliyense kwa anthu. Iye anapereka moyo Wake, mwaulere. Iye sankasowa kuti achite izo. Iye sanachite izo mong’ung’uza. Iye sanati, “Tsopano, abale, inu nonse muyenera kuti muziganiza mochluluka za Ine, chifukwa ine ndabwera kudzakuferani inu.” Iye sananene konse mawu za izo. Iye anafa, mulimonse, chifukwa uyo anali Mulungu mwa Iye.

<sup>107</sup> Ndi Mulungu mwa inu, ndi Mulungu mwa ine, yemwe amatipangitsa ife kuyang’ana pa ena. Nkhosa, ku mbali imodzi.

<sup>108</sup> Mmodzi wa iwo adzati, “Chabwino, Ambuye, ine ndinachita *izi*. Ndipo, Ambuye, ine ndinachita *izo*.”

<sup>109</sup> Iye anati, “Chokani kwa Ine, inu ochita kusaweruzika. Ine sindinkakudziwani nkomwe inu.”

<sup>110</sup> Ngati mpingo ungakhoze konse kufika ku zoona zachikhazikitso izo, izo si chinachake chimene iwe umayesera kumachichita, iwe umadzichititsa wekha kuti uchichite. Ndi chinachake chimene chimabadwira mwa iwe.

<sup>111</sup> Ndikhululukireni ine, abwenzi anga Achipentekoste. Ine ndine wa chipentekoste. Koma abwenzi anga Achipentekoste afika pa malo, pamene pamayenera pakhale nyimbo z—zaliwiro kwambiri, kumenyetsa kwa gulu lina, kapena kuwomba mmanja, kapena nkhotcho, kuti zibweretse kufuula. Iko ndi kutengeka chabe. Iwo amasewera mabandi asanapite ku nkhondo. Iwo amawafikitsa anthu mu kutengeka kwa nkhondo. Ine ndimakhulupirira mu kuyimba. Ine ndimakhulupirira mu kuwomba mmanja. Koma ine ndimakhulupirira mu zinthu izi. Ndiko kulondola ndendende. Ife tiyenera kumakhala nazozizo.

<sup>112</sup> Koma inu mwasiya zinthu zazikulu zosapangidwa, ndi moyo wodziperekwa wekhawo kuti Mulungu amakhala mwa iwe, mosadzipangitsa kumachita izo zomwe ziri zolondola chifukwa ndi kulondola. Kumangomapitiriza, osaganiza nkomwe kanthu kokhudza izo. Kumangokhala moyo wa izo. Ndiye penyani, iwe umawona zomwe zikuchitika. Iwe basi...iwe summa...Iwe uli pa msewuwaikulu. Ndi chimene Gologota inanthauza kwa iwe, pa msewuwaikulu, unatseguka tsiku limenelo kwa iwe.

<sup>113</sup> Tsopano, tsopano kumbukirani, iwe sungakhoze kukhala mwatheka mbuzi ndi mwatheka nkhosa. Izo sizingati zisakanizikane.

<sup>114</sup> Tsopano, alipo anthu ambiri omwe amati, “Inde, inu mukudziwa chiani? Ife tiri nalo bungwe mu gulu lathu. Ife, ife timathandiza osauka. Ife timachita *izi*.” Izo zonse nzabwino, koma inu mukuomba lipenga lanu lanu pa izo. Iwe sumachita choncho.

<sup>115</sup> “Inu mumachita zithandizo zanu mwa mseri,” Yesu anatero. Chosadzipangitsa basi, chinachake kwa inu, zosachuluka kuposa kupita, kukatenga madzi okumwa. Ndinu aludzu. Ngati munthu winayo ali waludzu, inu mumaganiza za iye, aponso. Chosowa cha munthu winayo, inu mumaganizira za iye mofanana monga inu mungachitire ndi zosowa zanu zomwe. Ndipo simumachita kuperekwa chidwi kwa izo. Inu mungokhala moyo izo.

Tsopano, inu simungakhoze kukhala mwatheka nkhosa ndi mwatheka mbuzi.

<sup>116</sup> Chotero ngati inu mukuti, “Chabwino, mpingo wathu uli nalo bungwe. Ife timaperekwa kwa osauka, ndipo ife timachita *izi*, timachita *izo*, ndipo timachita *zinazo*.”

<sup>117</sup> Ngati inu mukanakhala nazozizo izo popanda *zinazo*, Moyo wa Khristu mwa inu, inu basi mwamtheradi mukuzichita izo mwachabe. Yesu...Paulo ananena, 1 Akorinto 13, “Ngakhale ine ndingaperekwa katundu wanga kuti ndizidzyetsa osauka,

ndi kulola thupi langa liwotchedwe ngati nsembe, izo sizindipindulira ine kanthu.”

<sup>118</sup> Tsopano, izi ndi zolimba, koma ndi Choonadi. Inu muyenera kubwera ku choona chimenecho, kuzindikira chimene Gologota inakuchitirani inu. Ife timayang’ana pa iyo, ndi kuti, “O, inde, izo nzabwino.” Izo sindizo. Ngati Mwana wa Mulungu uja anachita kupita ku Gologota, kukapachikidwa, mwana aliyense amene abwera ayenera kuti azipita ku Gologota. Iye ayenera nayenso kumakhala nayo Gologota. Inu muyenera kumakhala nalo tsiku la Gologota ilo. Ine ndiyenera kuti ndikhale nalo tsiku lija la Gologota. Ilo linathetsa funso la tchimo. Osati kugwirana chanza ndi mlatiki; osati kugwedezeredwa mu mpingo; osati kubwera umo mwa chikalata; osati kubwera umo mwa kudzinenera. Koma kubwera umo mwa Kubadwa. Iye sanapereke konse chikalata. Iye sanapereka konse kudzinenera. Iye anapereka Kubadwa. Ndi momwe ife timabwerera mmenemo. Ndiye, kuyambira pamenepo, mosadzipangitsa ife tikukhala moyo wa Chikhristu.

<sup>119</sup> Tsopano, ndemanga ina. Mwatheka mbuzi, mwatheka nkosa, iwo alibe chinthu choterocho. Sindinu mwatheka mbuzi ndi mwatheka nkosa. Inu mwina ndinu mbuzi kapena nkosa.

<sup>120</sup> Tsopano, ngati inu mukungochita zinthu zabwino, ndipo nkumaganiza kuti inu mungakalowe umo, ndi zimenezo, ndiye sibwezi kutakhala kuli tsiku la Gologota. Lamulo linapereka ilo. Koma, pokhala kuti izo zinatengera tsiku la Gologota, linali kuti libweretse izo umo, kuti ife sitikanati tingokhala mamembala a mpingo, koma kukhala ana aamuna ndi aakazi a Mulungu. Ndi chimene tsiku la Gologota linali. Ndi chimene ilo linatanthauza kwa inu, kuti inu muzikhoza kumachita, ndi kutsatira, ndi kumachita monga Yesu.

<sup>121</sup> Tsopano, mtsinje sumayenda chokwera ndi chotsika, pa nthawi yomweyo. Mtsinje umangoyenderera njira imodzi. Ndipo Mzimu wa Mulungu umangoyenderera njira imodzi. Iwo sumasakaniza zinthu Nawo. Umayenderera njira yomweyo.

<sup>122</sup> Penyani Yesu, potseka. Yesu anati, “Ntchito zimene Ine ndikuzichita inunso muzidzazichita, ndipo zazikulu kuposa izi inu mudzazichita, pakuti Ine ndikupita kwa Atate Anga.”

<sup>123</sup> Ine sindikunena izi mochuluka kwambiri kwa mpingo pano. Inu mukumvetsa. Koma Mauthenga awa akujambulidwa. Makumi a mahandiredi amamvera iwo, kuzungulira mdziko.

<sup>124</sup> Ine ndati ndiyankhe funso limenelo kwa wotsutsa, pakali pano. Ine ndakhala ndikuuzidwa kowirikiza...kuuzidwa. Iwo ankati, “Bwanji, inu mumakhulupirira Baibulo? Yesu anati, ‘Ntchito izi zimene Ine ndikuzichita inunso muzidzazichita, ndipo zazikulu kuposa izi inu muzidzazichita, pakuti Ine ndikupita kwa Atate Anga.’”

<sup>125</sup> Mungakhoze kukhala oyipa chotani, bambo? Inu mungalowerere matalikira chotani kuchoka ku kuzindikira za mumtima, ndi luntha lanu la zamulungu, ndi lingaliro lanu la kudziwa kwa chirichonse? Abwenzi anga achisomo ndi otayika, kodi inu simungakhoze kumvetsa kuti Baibulo ili limatanthauziridwa mwauzimu?

<sup>126</sup> Yesu anawathokoza Atate kuti Iye anabisa Izo kwa ophunzira, ndi ochenjera, ndi anzeru, ndi aluntha, ndipo aziziululira Izo kwa makanda amene angati abwera ku Gologota.

<sup>127</sup> Tsopano penyani. Yesu anati. Tapenyani momwe Iye ananenera izo. “Ntchito zimene Ine ndikuzichita,” Iye akuzichita izo pakali pano. “Ntchito zomwe Ine ndikuzichita tsopano, kuchiritsa odwala, kuwukitsa akufa, kutsegula maso a akhungu, ntchito izi inu muzidzazichita inunso. Inu muzidzachita izi ngati inu mukukhulupirira mwa Ine. Inu muzidzachita ntchito izi. Ndiyeno zazikulu kuposa izi inu muzidzazichita, pakuti Ine ndikupita kwa Atate Anga.”

<sup>128</sup> “Kanthawi pang’ono, ndipo dziko silidzandiwona Ine kenanso, komabe inu muzindiwona Ine. Ine ndikhala ndiri ndi inu, ngakhale mkati mwanu, mpaka kumapeto a dziko. Ine sindidzakusiyani inu osatonthozedwa. Ine ndiwapempha Atate; Iye adzakutumizirani inu Mtonthozi wina, yemwe ali Mzimu Woyera, yemwe dziko silingakhoze kumulandira; komabe, inu mukhoza kumulandira Iye.”

<sup>129</sup> Tsopano zindikirani. Ntchito “zazikulu,” zinali kukhala ndi Mphamvu mu Mpingo, osati kokha kuti muzichiritsa odwala ndi pemphero, kutulutsa ziwanda ndi pemphero, koma kupereka Moyo Wamuyaya kwa okhulupirira. Mzimu Woyera unali kudza, ndipo unaperekedwa mmanja a Mpingo, kuti uzipereka Moyo. O! Ndicho chimene Gologota inkantanthetauza. Iyo inawatenga amuna okugwa, amuna ndi akazi otsika mchikhaliwe, ndi kuwakwezera iwo pa malo, kuti akhale ana aamuna ndi aakazi a Mulungu, kuti azichiritsa odwala ndi kumapereka Moyo Wamuyaya; pa kupereka Mzimu Woyera kwa okhulupirira omvera, amuna amene nthawiyina anali osakhulupirira, kupangidwa kukhala okhulupirira, ndi kumapereka Moyo Wamuyaya, wauzimu. Ndi zazikulu motani, kunena kuti . . .

<sup>130</sup> Mkazi wodwala uyu yemwe wagonapa, ine ndikhoza kupemphera pemphero la chikhulupiro ndipo iye achiritsidwa. Ndicho chinthu chachikulu. Icho ndi chimene Iye anali kuchichita apo.

<sup>131</sup> “Koma,” anati, “zazikulu kuposa izi inu muzidzazichita. Ine ndidzakupatsani inu Mphamvu, osati kokha kuti zimuutse iye kwa kanthawi, koma kuti zimupatse iye Moyo Wamuyaya, umene uti udzakhale Wamuyaya, kwanthawizonse.” Anthu osauka, akhungu, omvetsachisoni, mumaziphonya chotani izo? Kodi inu

simukuwona chomwe chinthu “chachikulu” chiri? Icho nchinthu chachikulu kwambiri chimene chinayamba kuchitikapo konse, chinali kupereka Moyo Wamuyaya kwa anthu. Kodi Moyo Wamuyaya ndi chiani? Moyo umene Iye anali kuukhala, Moyo umene unali mwa Iye, kuwupereka Iwo kwa ena. Kodi munthu angakhoze kuchita izo? Mwana wa Mulungu akhoza.

<sup>132</sup> Yesu anati, “Machimo aliwонse amene inu muwakhululukira, kwa iwo akhululukidwa; machimo aliwонse amene inu muwasunga, kwa iwo ali osungidwa.”

<sup>133</sup> Tsopano apa ndi pamene mpingo wa Katolika ndi yambiri ina inapanga kulakwitsa kwawo kwakukulu. Iwo amatuluka ndi kumakati, “Ine ndikukhululukira iwe machimo ako.” Sizinali zimenezo.

<sup>134</sup> Ankafikitsa chotani machimo kuti akhululukidwe, mu Baibulo? Petro anayankha funso limenelo, pa Tsiku la Pentekoste. Iwo anati, “Ife tingachite chiani kuti tipulumutsidwe? Ife tingakhoze bwanji kuchipeza ichi chimene inu muli nacho?” Iye anayala malangizo. Iye anawauza iwo choti achite.

<sup>135</sup> Iye anati, “Lapani, mmodzi aliyense wa inu, kwa Mulungu, ndi kubatizidwa mu Dzina la Yesu Khristu.” Za chiani? Chikhululukiro cha tchimo lanu. Izo ndizo ntchito “zazikulupo”.

<sup>136</sup> Ndi angati, a alaliki inu mmawa uno, ndi angati, a inu mukumvetsera kwa Mawu anga pa tepi ya maginito, muli kulolera kuti mupite ku Gologota mmawa uno? Ndi kukawona zomwe Mulungu anakuchitirani inu kumeneko. Ndi kusiya tizikhulupiro tanu tachipembedzo, ndi kumalalikira Uthenga. Aleluya! Izo ziri mmikono yanu tsopano. Kodi inu muchita nazo chiani Izo?

<sup>137</sup> “Kulapa ndi kukhululukira kwa machimo kuyenera kuti kuzilalikidwa mu Dzina Lake, kwa dziko lonse, kuyambira ku Yerusalem.” Aleluya! Ulemerero! Ndi inu apo.

<sup>138</sup> Kodi Gologota amatanthauza chiani kwa inu? Kodi tsiku limenelo linachita chiani kwa inu? Kodi ilo linakhutitsa inu, ndi zamulungu zina? Kodi ilo linakupangani inu amalaya otukumuka? Kapena kodi ilo linakupangitsani inu Mkhristu, wogulitsidwa? Aleluya!

<sup>139</sup> Tchimo, litakhululukidwa! “Ntchito zazikulu zoposa izi inu muzidzazichita.” Inu mukuona amene ma “inu” ali, sichoncho inu? “Ntchito zazikulu kuposa izi,” kukhululukira machimo, mu Dzina la Yesu Khristu.

<sup>140</sup> Koma kudzera tizikhulupiro ndi zipembedzo, ndi zina zotero, zakumangirirani inu pansi mpaka pa malo, amene inu mukutumikirabe dziko. Ndiuzeni ine munthu aliyense, ndiuzeni ine mkazi aliyense, angakhoze kubwera ku Gologota

ndi kumayesa kuti akhale wamkulu winawake chifukwa wina ananena chinachake. Ndiuzeni ine pamene inu mungakhoze kuyang'ana mu nkhopo ya Gologota, mu kuwala kwake kolondola, tsiku lija mu Gologota. Inu mungakhoze bwanji kukhala ndi tsiku lanu pa Gologota, ndi kutulukapo ndi malaya otukumuka? Inu mungakhoze bwanji kutuluka muli chidole cha bungwe linalake, ndi kumakalalikira tiziphunzitso tina topangidwa ndi anthu? Chifukwa chiani iyo siikuchepetserani inu ku Mawu a Mulungu? Ngati inu mutati mupite konse uko, inu mungabwereko ochepepetsedwa. Inu mungafune bwanji kukhala chinachake chachikulu mu bungwe lanu, ndi nthenga mu chipewa chanu, pamene Yesu Khristu Mwana wa Mulungu anadzichepeta Yekha mpaka ku thupi lotchikhwithidwa, mpaka ku nkhopo yolavuliridwa, mpakana manyazi ndi chinyozo? Ndipo iwo anamuvula zovala Zake, ndi kumupachika Iye, pamaso pa dziko. "Osasamala manyazi." Inu mungakhoze bwanji kupita ku Gologota ndi kubwerako muli chirichonse chosiyana ndi chimene Iye anali, chonyozetsedwa, chamanyazi?

"O," inu mukuti, "iwo andikankhako ine." Asiyeni iwo akankhe.

<sup>141</sup> Khalani nalo tsiku lanu pa Gologota, Mulungu akhala nayo njira Yake ndi inu. Ndiroleni ine ndibwereze izo kachiwiri. Khalani nalo tsiku lanu pa Gologota, Mulungu akhala nayo njira yake ndi inu.

Tiyeni tipemphere.

<sup>142</sup> Ambuye, O Mulungu, titengereni ife tonse ku Gologota pakali pano. Tiloleni ife tichoke kwa ifeeni, Ambuye, mantha a anthu, mantha a chimene winawake ati azinena. Bwanji, dziko lonse linkamuseka Iye, linkamunyoza Iye. Koma Iye anali womvera, mpaka imfa. Iye anali womvera, mpaka kuchititsidwa manyazi. Iye anali womvera, ngakhale pansi pa boma la chitaganya.

<sup>143</sup> Ndipo ife tikuzindikira kuti pamene Satana anakantha dziko lapansi lino, iye anakhala wolamulira ndi ulamuliro mu dziko lino. Iye anachitira umboni zomwezo pamaso pa Ambuye wathu, ndipo anati, "Maufumu awa ndi anga. Ine ndimachita nawo iwo chimene ine ndimafuna." Ndipo ife tikuzindikira kuti, kuyambira tsiku lija mpaka lino, dziko lino, pansi pa themberero, lakhala likulamulidwa ndi mmodzi yemwe analitemberera ilo.

Koma, Mulungu, O Mulungu, ife tikutumikira Ufumu umene uli wosatembereredwa.

<sup>144</sup> Atate, Mulungu, kudabwitsa kwake, kuti Inu mwachita zinthu zina zazikulu mu—mu chithunzi cha mdziko lero. Kulola zithunzi zazikulu izi, monga *Malamulo Khumi*, ndi zina zotero, zitulukire, kuwalola amuna ndi akazi azwone, amene sakanakhoza ngakhale kudetsa chitseko cha mpingo, koma

kuwalola iwo awone zomwe izo ziri. Njira ya Mulungu ndi njira yokanidwa, ndi dziko. Chifukwa ife tiri monga... Ife timapita ku Russia pansi pa chikomonisi.

<sup>145</sup> Ife tiri mu dziko lino, koma ife sitiri a dziko lino. Ife tapita ku Gologota. Ife tadzipachika tokha, chifukwa cha Ufumu wa Mulungu, kuti tikakhale amodzi Ake. Ziribe kanthu zomwe dziko likunena, ife tikutenga njira ndi onyozeka apang'ono a Ambuye. Ife tikupitabe mpaka ku chiwukitsiro, ndipo ife tikukhulupirira kuti izo zikhala posachedwapa, Ambuye, mpaka pamene ife titi tidzaukitsidwe kukalowa mu Ufumu umene uti udzalande dziko lino. Monga Daniele anawoneratu izo, ndipo anaswa dziko lonse, kukhala mungu pang'ono, ndipo mphepo inawukupiza iwo pa dwale la chirimwe. Koma, phiri, Mwala unakula nukhala phiri lalikulu limene linaphimba dziko lapansi. Mwala umenewo udzabwera. O Mulungu, ife tikufuna tikhale gawo la izo. Tiloleni ife tidzikane tokha, tinyamule mtanda wathu pa tsiku, kukhalira moyo Khristu, kukhalira moyo ena. Perekani izo, Ambuye.

<sup>146</sup> Patakhala ena pano mmawa uno, ndi omwe samudziwa Iye ngati Mpulumutsi, ndipo akanafuna kuti akumbukiridwe mu pemphero lotseka, ndipo mukanafuna kuti ili likhale tsiku lanu la Gologota, kodi inu mungakweze manja anu, ndi kuti, "Mundipempherere ine, M'bale Branham. Ine ndikufuna kuti ndimudziwe Iye ngati Mpulumutsi wanga." Mulungu akudalitse iwe, mynyamata wamng'ono. Wina wakenso? Mulungu akudalitseni inu, m'bale wanga kumbuyo uko.

<sup>147</sup> Kodi pangakhale wina wakenso? Akuti, "Ine ndikufuna kuti ndimudziwe Iye. Ine ndikufuna ili likhale tsiku la pa Gologota, kwa ine. Ine ndiri wodwala ndi wotopa. Ncha ntchito yanji kuti ine ndizivutikira kuno pa chinthu chomwe chimene ine ndinabadwira kuti ndizichichita? Ine ndinabadwa, ndinabadwira kuti ndikhale mwana wa Mulungu, ndipo ndine pano kugwiritsitsa ku zinthu za mdziko. Mulungu, ndiroleni ine kuti ndipachikidwe lero. Ndiroleni ine ndidzipachike, lero, ndekha ndi malingaliro anga, kuti ine ndizikhosa kumakhala moyo ndi Khristu, ndi kukhalira moyo ena. Ziribe kanthu zimene iwo angayesere kumandichitira ine, kumandiseka ine, ndi kumandizunza ine, ndi kumanena zoypa zonse monditsutsa ine, ndi zinthu, ndiloleni ine basi modzichepetsa ndiziyenda mopitirira, ndi wofatsa, monga mwanawankhosa, monga Iye anachitira. Ndipo tsiku lina, Iye walonjeza kuti adzandiukitsa ine kachiwiri, pa Tsiku lotsiriza. Ine ndikuyang'anira Tsiku limenelo." Kodi pangakhale manja enanso akupita mmwamba? Mulungu akudalitseni inu kumbuyo uko, ndi inu. Chabwino. Ena owonjezera... Mulungu akudalitseni inu. Mulungu akudalitseni inu. Ena owonjezera, ife tisanati tipemisphere.

<sup>148</sup> Atate athu Akumwamba, izo zinanenedwa kuti, pamene Petro analalikira pa Tsiku la Pentekoste, "Onse omwe

anakhulupirira anawonjezekera ku Mpingo.” Iwo moonadi anakhulupirira ndi mitima yao yonse. Anthu awa amene angokweza kumene dzanja lawo, ine ndikukhulupirira kuti iwo akhulupirira ndi mtima wawo wonse. Ndipo ngati iwo atero, pali dziwe la madzi likuyembekeza pano. Iwo akufuna machimo amenewo akhululukidwe. Pali wina pano yemwe akhoza kuwabatiza iwo mu Dzina limenelo, ndipo Dzina lokhalo lomwe liripo pansi pa Kumwamba linaperekedwa pakati pa anthu, kuti ife tiziyenera kumapulumutsidwira.

<sup>149</sup> Pakuti, monga ine ndinabwereza Lemba mphindi pang’ono zapitazo, kuti “Kulapa ndi kukhululukira kwa tchimo kuyenera kumalalikidwa mu Dzina Lake, kwa dziko lonse, kuyambira ku Yerusalem.” Ndipo ku Yerusalem, pamene kulapa ndi kukhululukira kwa tchimo kunalalikidwa, mtumwi anawauza iwo za Malemba, ndipo anati, “Iwo ayenera kulapa, choyamba, ndiyeno nkubatizidwa mu Dzina la Yesu Khristu.” Iyo inali ntchito ya mlaliki kuti ayichite. Kuti iwo alape, ndipo iye kuti awabatize iwo kwa chikhululukiro cha tchimo lawo. “Machimo onse amene inu muwakhululukira, kwa iwo akhululukidwa; machimo onse amene inu muwasunga, kwa iwo asungidwa.”

<sup>150</sup> Atate, dziko linayamba bwanji kusokonezeka konga iwo ali nako? Chifukwa chiani osakhulupirira Uthenga wophweka? Ndipo iwo mpaka akubweretsamo izo, kuti izo, zilowe mmalo: maina abodza, maubatizo abodza, maubatizo a Mzimu Woyer a abodza, kugwirana chanza ndi atumiki, kugwiritsa ntchito maudindo a Atate, Mwana, Mzimu Woyer, zomwe siziri konse mu Malemba; chikalal chopangidwa ndi amuna Achiroma, osati chiphunxitso cha Chikhristu palibe paliponse mu Baibulo. Kukhululukira kwa machimo sikungakhoze kukhululukidwa kupyolera mu maudindo, koma kupyolera mu Dzina la Yesu Khristu.

<sup>151</sup> Tsopano, Atate, ife tikudziwa izo nzosatchuka kwambiri. Njira zanu zakhala nthawizone mwanjira imeneyo. Koma mulole amuna ndi akazi, mmawa uno, abwere ku tsiku limenelo, tsiku lija pa Gologota. Kumene, Yesu, akunyoza tsiku limenelo, manyazi aja, kuti avulidwe, kuti atchikhwithidwe mzidutswa, kuti alavuliridwe, ndi kunyozedwa; ndi dziko lonse, ndi mpingo, ndi anthu omwe akanayenera kuti azimukonda Iye. Ndipo, komabe, mu zonse izo, Iye sanatsegule kamwa Yake, ndipo anapata ndipo anakafera anthu amenewo omwe anali kumuseka Iye.

<sup>152</sup> Mulungu, titengereni ife ku Gologota, mmawa uno. Ndipo ngati iwo azinena kuti ndife openga, iwo akamanena kuti ife tiri ndi Malemba molakwika, chirichonse chimene iwo akufuna kuti anene, Mulungu, iwo sangakhoze kuima mu Kukhalapo kwa Mulungu ndi kunena kuti Izo nzolakwika. Iwo sangakhoze kuphimba machimo awo ndi Baibulo. Baibulo limavundukula machimo awo, kusakhulupirira kwawo; kuti akhale otchuka,

kuti azichita monga unyinji wonse. Aloleni iwo abwere ku Gologota, mmawa uno.

<sup>153</sup> “Ndipo ayambire ku Yerusalem, kuti kulapa ndi kukhululukira kwa machimo kuyenera kuti kuzilalikidwa mu Dzina Lake, kwa fuko lonse, kuyambira ku Yerusalem.” Aloleni iwo atenge masitepe omwewo a kupachikidwa, kuti atchikhwithidwe, ndi kulavulidwa, ndi kumanyozedwa, ndi kutchedwa chirichonse chimene chingakhoze kutchedwa, mu mzere wa zigawenga zachipembedzo, ophwasula mipingo. Zonse zomwe iwo akufuna kuzitcha, mulole ife, Ambuye, mmawa uno, titenge njira yathu ndi onyozeka apang’ono a Ambuye. Mulole ife tiziyenda monga atumwi ankachitira, osatembenukira ngakhale kumanja kapena kumanzere. Ndipo, kuchokera ku ubwino wa mitima yathu, tizitumikira Mulungu. Perekani izo, Atate.

<sup>154</sup> Tsopano chiritsani odwala ndi osautsika amene akudza mu mzere wa pemphero. Muwalole awa amene akweza manja awo, mu mitima yawo, alape pomwe pano. Mulole iwo amene aima kumbuyo, kotalika chotere, asunthire mwamsanga ku madzi, ndipo achititse machimo awo kukhululukidwa pa Dzina la Nsembe, Yesu Khristu, Mwana wa Mulungu. Ameni. 

*TSIKU LIJA PA GOLOGOTA* CHA60-0925  
(That Day On Calvary)

Uthenga uwu wa M'bale William Marrion Branham, woperekedwa mu Chingerezi Lamlungu mmawa, pa Seputembala 25, 1960, ku Branham Tabernacle, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2012 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. Box 51453, LIMBE, MALAWI

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)